

SCRIPT OF EVENING GOJRI NEWS BULLETIN 1JAN 2026

1700HRS

ایوننگ گوجری نیوز بولٹن 1 جنوری 2026

یوہ آکاشوانی جموں ہے غلام سرور تے نصرت چودھری تیں خبر سنو۔

HEADLINES

- ۱۔ مرکزی حکومت نے چار نواں لیبر کوڈز واسطے مسودہ قوانین جاری کرے عوامی رائے طلب کی ہیں۔
- ۲۔ پونچھ ضلع مانہ پاکستانی ڈرون غے زریعے سٹیا گیا آئی ای ڈی، اسلحہ تے منشیات برآمد کیا گیا ہیں۔
- ۳۔ وزیر صحت سکینہ اتو نے جموں کشمیر غا صحت مراکز مانہ صفائی ستھرائی غا اقدامات ور زور دتو۔
- ۴۔ کھیڈاں بارے وزیر ستیش شرما نے کہیو جے علاقائی ترقی تے روزگار پیدا کرن واسطے سیاحت غو ہونو ضروری ہے۔
- ۵۔ چیف سیکرٹری اٹل ڈلو نے جموں کشمیر مانہ ہوم سٹے نانہ فروغ دین تے سوامیتا ور مبنی قرض غا نظام غو جانیزو لیو۔

LABOUR CODES PUBLIC FEEDBACK

مرکزی حکومت نے چار نواں لیبر کوڈز واسطے مسودہ قوانین جاری کیا ہیں جن مانہ اجرت، ملازمت غا طریقہ، گریجویٹی، پونس تے مزدوراں غا سماجی تحفظ تیں متعلق دفعات شامل ہیں۔ تے ان قوانین مانہ آن لائن کم کرن آلا نانہ وی شامل کیو گیو ہے۔ یے چار لیچر کوڈز ہیں، کوڈ آن ویج 2019، انڈسٹریل ریلیشن کوڈ 2020، کوڈ آن سوشل سیکورٹی 2020 تے آکوپیشنل سیفٹیم ہیلتھ اینڈ ورکنگ کنڈیشن 2020۔ ان مسودہ قوانین نانہ عوامی رائے واسطے کھول دتو گیو ہے تے تمام متعلقہ فریقین نانہ 45 دن غے نادر اپنی تجاویز تے اعتراضات پیش کر غی دعوت دتی گئی ہے۔ محنت و روزگار غی وزارت نے گزشتہ سال 21 نومبر نانہ ان نواں لیبر کوڈز غا نفاذ غو اعلان کیو تھو تانجے ملک غا پرانا تے پیچیدہ محنتی قوانین نانہ آسان تے منظم مانیو جاسکے۔

PAK DRONE

ایک پاکستانی ڈرون نے پونچھ ضلع مانہ قبضہ لکیر غے نال بھارتی علاقہ مانہ بڑھ غے مشتبہ تماکہ خیز مواد گولہ بارود تے منشیات وغیرہ پھنکیو جس تیں بعد حفاظتی دستاں نے بڑا پیمانہ ورتلشی مہم شروع کی ہے سرکاری ذریعہاں غے مطابق ڈرون رنگارنالہ کھادی سوکڑ گراں گلپور سیکٹر مانہ بھارتی فضائی حدود مانہ گھس آیو تے قبضہ لکیر تیں واپس جان تیں پہلاں 5 منٹ تیں متا وقت تک بھارتی حدود مانہ کھلو ربیو دراندازی غے دوران ڈرون نے ایک کھیپ جس مانہ ایک دیسی ساختہ تماکو خیز گولہ بارود تے منشیات شامل تھیں تاہم اس طرح ڈرون غی نقل و حرکت غی اطلاع تیں بعد بھارتی فوج تے جموں کشمیر پولیس نے پاکستانی ڈرون غی طرفوں سٹیا گیا مواد غی سراغ لایو تے زمین ور کسے وی

ممکنہ دہشت گردی غی نقل و حرکت نانہ روکن بارے علاقہ ماتہ تلاش کاروائی شروع کی۔

ITOO SANITATION

صحت تے طبی تعلیم غی وزیر سکینہ اتو نے اج جموں کشمیر غا تمام سرکاری طبی کالج ضلع اسپتال سب ڈسٹرک اسپتال تے دیگر صحت غی سہولت ماتہ صفائی ستھرائی غا اقدامات غی مکمل اصلاح غی فوری ضرورت ور زور دتو جموں صوبہ غی صحت غی سہولت ماتہ صفائی ستھرائی غا اقدامات تیں متعلق ایک اعلیٰ سطح جائیزہ اجلاس غی صدارت کرتا واں وزیر نے غیر صحت مند اسپتال غی تیں ناقابل برداشت پالیسی ور زور دتو پرنسپال تے میڈیکل سپر ٹنڈنٹ نانہ ہدایت جاری کی کہ وے صفائی غا پروٹوکول ور سختی سنگ عمل در آمد کراویں صفائی غا معیار نانہ باقاعدہ نگرانی تے ہر سطح ور جوابدہی نانہ یقینی بناویں۔

POLICE ACTION KISHTWAR

ایس ایس پی کشتواڑ نریش سنگھ نے کہی وے کہ سال 2025 غے دوران دہشت گردی، منشیات فروش، غیر قانونی کان کنی تے سمگلنگ غے خلاف سخت کاروائی کی گئیں ہیں۔ آکاشوانی غا خبراں آلا شعوبہ سنگ گل کرتا واں ایس ایس پی کشتواڑ نے دسیو کہ ضلع پولیس نے جرائم تے سماج دشمن عناصر غے خلاف ناقابل برداشت پالیسی اپنائی ہے۔ انہاں نے کہیو کہ سخت حفاظتی انتظامات غے ذریعے عوام غی جان و مال غی حفاظت نانہ یقینی بناو جارہیو ہے۔ انہاں نے مزید کہیو کہ پولیس پوری طرح چوکس تے متحرک ہے۔ نوا سال غی مبارک باد دیتا واں ایس ایس پی کشتواڑ نے ضلع غا لوکاں تیں اپیل کی کہ وہ ملک مخالف سرگرمیاں تے جرائم تیں دور ریں۔ انہاں نے عوام تیں امن تے بھائی چارہ نانہ برقرار رکھن بارے اپیل کی انہاں نے مزید اس طرح کہیو۔

YEAR END REFORMS

تک بھارت ور عالمی بات چیت فیصلہ کن طور ور بدل چکی ہے سوال ہون 2025 یوہ نہیں ہے جے بھارت کھلو وے غو یا نہیں بلکہ ہون یوہ ہے جے کتنی جلد تے کتنی دور غیر یقینی صورتحال بکھراو تے پالسیاں ماتہ بار بار تبدیلیاں تیں نشان زدہ دنیا ماتہ بھارت ایک نایاب چیز واسطے کھلو ہے عزائم نال مستقل مزاجی، مالیاتی اداراں، کثیر الجہتی فورمز تے عالمی میڈیا ماتہ بھارت ایک ایسو ملک غے طور ور رکھیو جے جہیزو طویل مدتی منصوبہ بندی کرے تے بڑا پیمانہ ور عمل وی کرے عالمی بینک نے بھارت نانہ دنیا غا سب تیں زیادہ مساوی معاشران غا طور ور رکھیو وی ہے جی امریکہ نے تمام جی7 تے جی20 ممالک تیں آگے رکھیو وی ہے ایشیا پاور انڈیکس نے بھارت نانہ ایک بڑی طاقت غا طور ور درجہ بندی کیو تے ایس اینڈ پی گلوبل نے بھارت غی درجہ بندی بی بی بی ماتہ اپ گریڈ کیو جدکہ دیگر تنظیمان نے بھارت غی ترقی تے اوپر غی طرف گراف نانہ تسلیم کیو وی ہے۔

SATISH WINTER TOURISM

کھیڈاں بارے وزیر ستیش شرما نے کہیو کہ سرمائی سیاحت ثقافتی ورثہ کھیڈاں تیں جڑی سرگرمیاں نانہہ فروغ دینو حکومت غی حکمت عملی غو اہم حصو ہے جس غو مقصد روزگار غا موقع پیدا کرنا، علاقائی ترقی نانہہ فروغ دینو تے نوجواناں نانہہ مثبت سرگرمیاں تیں جوڑنو ہے۔ وزیر موصوف دو روزہ پتنی ٹاپ، سناسر، سرمائی میلو 2025 غی اختتامی تقریب تیں خطاب کر رہیا تھا۔ اُنہاں نے کہیو کہ سیاحاں غی بڑی تعداد تے مقامی لوکاں غی پُر جوش شرکت اس گل غی عکاسی کرے کہ وزیر اعلیٰ عمر عبداللہ غی قیادت اعلیٰ حکومت مانہہ جموں کشمیر ایک متحرک، ہمہ موسمی سیاحتی مرکز تے نوجواناں غی سرگرمی غو مرکز بن غے کامیابی سنگ اگے بدھ رہیو ہے۔ اُنہاں نے مزید کہیو کہ پتنی ٹاپ تے سناسر نانہہ جموں خطہ مانہہ سرمائی سیاحت تے نمایاں مقامات غا طور ور ترقی دتی جارہی ہے۔ بعد مانہہ ذرائع ابلاغ سنگ گل بات کرتا واں وزیر ستیش شرما نے اس طرح کہیو۔

CS HOMESTAYS

دیہی علاقہ مانہہ سیاحت تیں جڑیا روزگار نانہہ مضبوط بان تے ادارہ جاتی قرض توڑی رسائی نانہہ بدھا واسطے ایک اہم قدم غا طور ور چیف سیکرٹری اٹل ڈلو نے اج مرکزی زیر انتظام علاقہ مانہہ ہوم سٹے نانہہ فروغ دین تے سوامتو کارڈ غے ذریعے قرض فراہم کرن واسطے ایک جامع نظام بنان غی حمایت کی۔ تفصیلی جائیزہ میٹنگ غے دوران چیف سیکرٹری نے جموں کشمیر بینک ور زور دتو کہ وہ کمیونٹی ور مبنی سیاحت غی بھر پور حمایت کریں، ہون سٹے چلا آلا واسطے قرض حاصل کرن غا عمل نانہہ آسان بناویں تے سوامتو کارڈ غے تحت دیہی جائیداد مالکاں غی معاشی صلاحیت نانہہ صحیح طریقہ نال استعمال کریں۔ اُنہاں نے اس گل ور زور دتو کہ مرکزی زیر انتظام علاقہ بھر مانہہ اقدامات نانہہ موثر بنان واسطے مخصوص تے مضبوط نظام قائم کیا جیں۔

NEW YEAR SAMBA

نواں سال غا پہلا تہاڑے ہی ہزاراں غی تعداد مانہہ عقیدت منداں نے جموں غا باوے والی ماتا مندر مانہہ حاضری دتی۔ کڑاکا غی ٹھنڈ غے باوجود وی عقیدت منف درشن تے آشر واد حاصل کرن واسطے مندر پُجیا مندر مانہہ مرد، خواتین تے بچاں غی لمی قطار دیکھی گئی جہیرا جموں تے آس پاس غا علاقہ تیں مندر ور حاضری دین آیا تھا۔ اسے دوران سانہہ غا چچی ماتا مندر ور بھی عقیدت منداں نے بڑی تعداد مانہہ حاضری دتی۔ لوک اپنا اہل خانہ غے نال مندر مانہہ ماتا غو آشر واد حاصل کرن واسطے پُجیا۔ ایک عقیدت مندی اروہنی شرما نے اس طرح کہیو۔ جد کہ ایک دوجا عقیدت مند گورو پادھا نے اس طرح کہیو۔

BANGLADESHI NATIONAL

سرحدی حفاظتی دستاں نے جموں ضلع غا گجن سو علاقہ مانہہ بین العوامی سرحد غے قریب پکڑا گیا ایک بنگلہ دیشی شہری نانہہ جموں کشمیر پولیس غے حوالے

دتو ہے بی ایس ایف اہلکاراں نے سرحد ور معمول غی نگرانی غے دوران اس شخص نانہہ گرفتار کیو جس تیں بعد اُس نانہہ سرحدی پولیس پوسٹ گجن سو مانہہ پیش کیو گیو جہیڑو پولیس سٹیشن کنا چک غے تحت آنے۔ پولیس نے گرفتار کیا شخص غی شناخت شریف الاسلام بھویاں غا طور ور کی ہے جہیڑو موزی بل حق بھویاں غو بیٹو ہے اس غی عمر 19 سال ہے تے بانگلہ دیش غا ضلع کومیلا غا آدرا علاقہ غو رہائشی ہے۔ ابتدائی قانونی کاروائی مکمل کرن تیں بعد، بی ایس ایف نے مزید قانونی کاروائی واسطے اس نانہہ پولیس غے حوالے کیو ہے۔ تے مزید تفتیش جاری ہے۔

TRAIN EXTENDED

شمالی ریلوے نے نواں سال غے دوران بہتری سفری سہولیت فراہم کرن بارے نویں دہلی تیں شری ماتا ویشنو دیوی کٹرا غے بشکار خصوصی ریزرو ریل خدمات غی مدت مانہہ توسیع کی ہے تاہم اس طرح دسیو گیو ہے جے پہلاں تیں 31 دسمبر 2025 توڑی چلن آلی 04081 ریل نمبر اج تیں 4 جنوری 2026 توڑی چلے غی جد کہ ریل نمبر 04082 پلک تیں 5 جنوری 2026 توڑی چلے غی مسافر ریل مدد واسطے ہیلپ لائن نمبر 139 تیں تفصیلات حاصل کرسکیں ور جانکاری حاصل کرسکیں۔ www.enquiry.indiarail.gov.in یا
